



Inatsisartunut ilaasortaq Jens Immanuelson, Siumut  
/MAANI

7 MAR. 2016  
NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**2016-imut aarrinik pisassiissutinik aalajangersaanissamut tunngatillugu  
apeqqut nr. 079-imut akissuteqaat**

Inatsisartut suleriaasianni § 37, imm. 1 naapertorlugu apeqqutinik Naalakkersuisunut nassiussaqaarsimavutit, 2016-imi aarrinik pisassiissuteqarnissamut tunngatillugu. Apeqqutitit uanga suliaasaqarfinnut akisassanngortinneqaarsimapput.

04-03-2016  
Sags nr. 2016 - 4259  
Akt. nr. 2255418

Postboks 269  
3900 Nuuk

Tlf. (+299) 34 50 00  
Fax (+299) 34 63 55

E-mail: apnn@nanoq.gl  
www.naalakkersuisut.gl

**Apeqqut: 2016-imut aarrinik pisassiissutit qaqugu aalajangersarneqassappat?**

**Akissut:** Aaffattassat aalajangersaaviginissaat Naalakkersuisut ataatsimiinneranni suliarineqartarsimavoq, suliarineqarneratalu kinguneranik apeqqutinik saqqummiunneqartunik akisassaqaartarsimavoq. Apeqqutit taakkua Pinngortitaleriffimmut tusarniutigeqqaarneqartarsimapput. Maannakkullu tusarniaanermi akissutit Pinngortitaleriffimmit tiguneqaarsimalerput. Suliarlu maannakkut ingerlaqqilerpoq naatsorsuutigineqarluni piffissami qaninnermi Naalakkersuisut ataatsimiinneranni saqqummiuteqqinneqassasoq.

**1. Sooq siusissukut pisassiinerit suliarineqarneq ajorpat?**

**Akissut:** Oktobarip 13-iani 2015 aaffattassat pillugit susassaqaartunut tusarniaasoqarpoq, tamatumalu kingorna pisarnertut aalajangersaanissamut piareersaatit november/december 2015-imi ingerlanneqarlutik. Oqaatigineqartutullu apeqqutinik akissuteqarfigineqartussanik qulaajaasoqartariaqaarsimavoq. Naalakkersuisut soorunami ajuusaarutigaat pisassiissutinik aalajangersaanissaq kinguartittariaqaarsimammat. Aalajangersaanissamut paasissutissat pingaaruteqarluinnartut pisassiissutinik aalajangersaanissamut attuumasuteqartut, Naalakkersuisut suli suliareqqittariaqaarsimasaat pineqarlutik. Nalinginnaangikkaluarpoq ukioq pisassiiviusoq aallartereersoq pisassiissutissanik aalajangersaanissat suliarineqartarneri. Taamaattoq Naalakkersuisut nalilersimavaat 2015-imi aaffattassiissutit sinneruttut nuunneqartullu 2016-imut aarrinik pisassiissutissat aalajangersarneqarnissaannut kinguartinneqarsinnaaneranut periarfissaqartitsisoq.

Ilisimatitsissutitut nalunaarutigineqassaaq 2015-imi pisassiissutit sinneruttut, ukioq manna 2016-imut nuunneqarsinnaasut (carry-over) kommuninut nalunaarutigineqarnikummata. Sinneruttut nuunneqartut aqutsiveqarfinnut agguaanissaat kommunit susassaqaarfivaat, taamatullu kommunit maannakkut aqutsiveqarfinnut agguaassinngikkunik agguateqqammersimassavaat. Taakku nuunneqartut 2016-imut suli pisassiisoqannginerneranumut aqqiigallarnertut atorneqarsinnaapput.

Inussiarnersumik inuulluaqqsillunga

Karl-Kristian Kruse  
Aalisarnermut, Piniarnermut Nunalerinermullu Naalakkersuisoq